



Universitätsbibliothek Paderborn

Praxis Episcopalis

In Qva Episcoporum Non Tantvm, Eorumqve Vicariorum munus; sed
Parochorum etiam & conscientiarum directorium concernentium casuum
ac dubiorum indies occurrentium Resolvtiones ... quàm brevissimè
continentur

Zerola, Tommaso

Coloniae Agrippinae, 1680

Chorus.

urn:nbn:de:hbz:466:1-10421

factum præceptum, ut notat Boss. *tract. de carcer. fideiuss. n. 46.* & hoc ampliatur, non solum valere in eo, qui fugit, seu tendit ad superiorem, sed qui fugit ad amicum domini sui superioris pro auxilio impetrando, ubi allegat multa jura, & Doctores, ubi videto Vinc. de Annan. *in repet. c. si vasallus, de vasal. decrop. atat. numero 58.*

Undecimò, carceratus si non venit puniendus pœna ultra relegationem, statim examinatus potest relaxari, si offert cautionem, fallit in confessis, & in pœnis pecuniariis stipulatis penes acta Curia, Foll. *loc. cit. fol. 90. num. 1. 2. & 3.* fallit etiam in crimine notorio perjurii, vel si aliàs aufugisset à carceribus, idem *ibidem*, per multa.

Duodecimò, an pœna carceris, de qua *in c. quamvis*, possit sumi pro detractione in monasterium, vide Anchar. *in d. c. numero 4.*

Decimotertiò, carcerati, qui aut crimen confessi, aut ex indiciis forsitan torquendi sunt, non relaxandi sunt sub cautionibus nisi fisco desuper audito, Paul. IV. *Bull. 50. quæ incipit, Licet.*

Decimo quartò, carcerati quibus expensis debeant ali in carceribus, & si appellaverint, quibus expensis sint ducendi ad judicem appellationis, vide Capel. Tolos. *q. 100. in addit.* ubi concluditur quòd expensis appellantis, & detinentis.

C H O R U S.

CHorus. In Ecclesiis cancellis debet esse scriptus, ad hoc, ut solum psallent-

ibus clericis sit locus, Conc. Turonen. *Can. 3.* & nec laici possunt chorum ingredi, excepto Rege, Conc. Constantinop. VI. *Can. 69.* vide *hist. tripart. lib. 9. c. 30.* ubi habetur, nec Theodosio Imperatori Ambrosium voluisse permittere ingredi intra cancellos, ubi clerici psalmodiant.

C I T A T I O.

Primò, videto practicalistas, & præcipue Maran. copiosè. *6. p. tit. de cit. & Foller. 1. p. 2. n. 28. & 29.*

Secundò, pro praxi Canonica, quando venient ab Urbe citationes in partibus; vide *Clem. Causam. de elect.* ubi habes optimam practicam, sed pro facilitate, sunt notanda multa. Primum non sufficere in causa absentia rei citandi, id quod dicitur *in d. Clem.* sed primum debet etiam servari in profanis, *decis. Rot. 26. de appell. in novis. & decis. 22. de reser. in novis. & ibi addit. num. 5.* Secundò, non tenetur citans dare copiam citationis citato, nisi hoc petat, modo ei lecta fuerit citatio. *Addit. ad decis. 5. Rot. de reser. in novis. n. 15.* Tertiò, tutius est relinquere copiam citationis ipsi citato pro majori contumacia, *Addit. ibidem numero, 6.* & sic vidi praticari multoties, imò semper. Quartò, quoniam verò citatio fit ad valvas Ecclesiæ, & reus, vel alter pro eo petit copiam citationis, ultra relictam ad dictas valvas Ecclesiæ, danda est ei, sumptibus petentis, *Addit. ad decis. 22. de rescript. in novis. num. 15.* Quintò, praxis est, ut fiat copia authentica per notarium publicum, & affigatur ad val-

vas